

7
REFORMANDÆ
PHARMACOPOEÆ SVECICÆ

SPECIMEN TERTIUM

QUOD

PRÆSIDE

PETRO AFZELIO

M. D. PH. ET CH. M. REI CHIRURGICÆ DIRECTORE SUPREMO
ET MEDICINÆ THEORET. ET PRACT. PROFESSORE REG. ET ORD.
REGG. ACADD. SCIENT. ET PRO RE MILIT. HOLM. SOCIETT.
REGG. SCIENT. UPSAL. ET MEDIC. EDINB. ATQUE SOCIETT.
HISTOR. NATUR. PARIS. ET MEDIC. MONSPEL. MEMBRO

PRO GRADU MEDICO

PUBLICÆ SUBMITTIT CENSURÆ

A U C T O R

NICOLAUS GUSTAVUS BODIN

ST. REG. VERMELANDUS

IN AUDITORIO GUST. MAJ. D. XXVII NOV. MDCCCV

HOR. ANTE ET POST MERID. SOL.

UPSALIE TYPIS EDMANNIANIS

Die 31 Maji Anno 1805 cum Examen practicum subiret cl. BODIN
hoc Specimen Facultati Medicæ Upsaliensi exhibuit Quæ illud di-
gnum judicabat quod imprimatur & pro Gradu Medico venti-
letur testor

JAC. ÅKERMAN
Fac. Med. h.t. Decanus.

Guajacum. *Lignum. Resina.*

Guajacum officinale. Linn. Sp. Pl. ed. Willden. II. 538.
Arbor Indicæ occidentalis, in Hispaniola & Jamaica frequens.

Lignum solidum, perdurum, ponderosum, in aqua subsidens, transversim dissectum substantiam ostendens interiorem ponderosiorum, magis resinosa & compactam, ex fusco viridescentem, sed exteriora versus magis magisque flavescentem, porisque resiniferis ubique pertusam. Odor resinofus, haud ingratus: sapor leniter americanus & acris.

Resina, partim e cortice arboris sponte, vel post incisionem exstillata & dein condensata, partim ex ligno recenti, coctione in aqua, aut digestione in spiritu vini extracta, obtinetur. Sit genuina e fusco virescens, subpellucida, friabilis; distracta splendeat, & trita, in pulverem primo albidum, dein subviridem, abeat. Sapor est acris, suburens. Prunis injecta odorem spirat haud ingratum. In Spiritu vini fere omnis solvitur. Resina communi interdum adulteratur, quod visu, gustu, & olfactu certius, ægrius vero Acido Nitroso, inquinatae resinae in spiritu vini solutioni adjecto, detegitur. Massæ tenaces, opacæ, ex granis compositæ, & colore fusco vel griseo variegatae, sunt rejiciendæ.

Gummi Arabicum I. Mimosæ.

Mimosa Senegal } Linn. Spec. Pl. ed. II. pag. 1506.
— nilotica }
Arbores in Arabia & Africa media indigenæ.

Succus gummosus purissimus e cortice trunci & ramorum exsudans, & tunc induratus frustula constituens subrotunda vel hæmisphærica, ex albo lutescentia, subpellucida & in fractura splendentia. In aqua omnis

G

sol-

solvitur, unde ab Alkohole ac Acidis adjectis iterum præceps redditur. Frusta rubro-fusca deterioris Gummi Cerasorum præsentiam produnt.

Helleborus niger. Radix.

Helleborus niger. Linn. Sp. Pl. ed. Willd. II. 1336.

In Apennini & Austricæ alpibus, perennis. In Svecia hos-tis culta.

Radix capite subrotundo, fibrillis undique obfeso-crassioribus, extus nigris, intus albidis, sapore acri nau-seoso & diu inhærente. In fibris radicis virtus præcipue est posita, quam, diu asservatæ, prorsus amittunt. Sedulo indagandum, ne, quod interdum evenit, debilio-res radices Adonidis vernalis, Actææ spicatæ, & in pri-mis venenatæ Aconitorum hic substituantur.

Hippocastanum. Cortex.

Aesculus Hippocastanum. Linn. Sp. Pl. ed. Willd. II. 285.

Arbor Aſcie Septentrionalioris. In Svecia culta.

Cortex ramorum juniorum, intus subluteus, extrin-secus epidermide superinductus ex rubro fusca, saporis amaro-adstringentis.

Hirudines vivæ.

Hirudo medicinalis. Linn. Syst. Nat. ed. Gmel. I. 3095.

Vermis ex ordine Intestinorum, aquas incolens.

Hirudo depressa, nigricans, in dorso lineis sex fla-vis notata, intermediis nigro-arcuatis, subtus cinerea, ni-gro-maculata. Ex annibus umbrosis, non ex stagnis & fossis, captæ, in vase, arena in fundo subsidente, aqua fluviatili, cum recenti sœpisime comutanda, replete, & lente rarissimo obtecto, loco temperato adserventur.

Hor-


Hordeum. *Semen.*

Hordeum vulgare } Linn. Sp. Pl. ed. Willd. I. 472.
— — *hexastichon* }
In *Svecia cultum, Cereale, annuum.*

Semina a glumis liberata, tumida, ovali-oblonga,
apice acutiori, & fulco longitudinali notata.

Hydrargyrum.

Metallum nostro sub cœlo liquidum, album, ponde-
rosum, in Acido azotico optime solibile, ad +68° Fahr.
omne volatile, igne autem leniori fixius & in vase aper-
to rubrum fœse oxydans. In variis Europæ & Americæ
metallifodinis, rarius Nativum, frequentius Sulphure nu-
ptum, Cinnabaris Nativa dictum, occurrit. Ex hoc con-
nubio, adjecta vel Calcaria pura, vel Kali, aut Limatu-
ra Ferri, Hydrargyrum destillatione obtinetur purissi-
mum. Quod nobis adservatur, Venale, quam sœpissime
alienis Metallis, in primis Plumbo, interduim quoque Stan-
no & Bismutho, adulteratum deprehenditur. Stannum
scilicet si adsit, oxydum album se sponte secernit, quum
in solutione Nitratis Hydrargyri æque saturati Metallum
suspectum digeratur. Bismuthi præsentia proditur Nitrate
Bismuthi, qui largiori copia aquæ, solutioni, Metal-
lum adulteratum cum Acido azotico junctum tenenti,
affusa, ægre solubilis factus, albus oxydulumque men-
tiens præcipitatur. Plumbum, omnium perniciofissima la-
bes, detegitur Sulphate Natri, Metalli inquinati in Acido
nitrico solutioni adjecto, dum Sulphas Plumbi oritur, qui,
in supernatante liquore haud solubilis, fundum petit. Hy-
drargyrum præterea, si purum sit atque sincerum, nulla
superinducta cuticula sordidum superficie fulgeat splendi-
diori, chartamque albam, qua mobile admodum fluitet,
non contaminatam reddat.



Hyoscyamus. *Folia.*

Hyoscyamus niger. Linn. Sp. Pl. ed. Willd. I. 1010.

Svecica, biennis, ad pagos, vias & ruderata pinguis crescens.

Folia alterna, sessilia, amplexicaulia, ovato-oblonga, minutim tomentosa, pinuatifido-sinuata, lobis sublan- ceolatis acutis integris, odoris intense narcotici & nau- seosi, saporis fatui & mucilaginosi.

Hysopus. *Herba.*

Hysopus officinalis. Linn. Sp. Pl. ed. Willd. III. 47.

In Sveciae hortis culta, suffruticosa.

Herba foliis lanceolatis glabris, odore fragrante, haud ingrato, sapore aromatico, Camphoræ fere acce- dentē prædicta.

Jalappa. *Radix.*

Convolvulus Jalappa. Linn. Sp. Pl. ed. Willd. I. 860.

Planta perennis Americae septentrionalis, in primis in Me- xico frequens.

Radix crassior, tuberosa, subglobosa, rugosa, extus nigricans, transversim secta circulis notata concentricis fusco-nigricantibus, textu intermedio celluloso subfuscō distinctis, saporis subacris, odoris nauseosi, Integra, semipyramidalis, sine radiculis, vel in taleolas, tritum circiter linearum crastitie, dissecta ad nos venit. Bonæ in- dolis sit ponderosa, compacta, & in fractura particulis interspersa micantibus resinosis: igni admota flammam suscipiat, & contusa non admodum difficulter in pulverem redigatur. Radices pallidi coloris, fragiles, leves, foraminibusque pertusæ rejiciantur.

Ichthyocolla.

Acci-

Acipenser Stellatus Linn. Syst. Nat. ed. Gmel. I. 1483
— — Sturio } & 1486.

Pisces ex ordine Chondropterygiorum, Mare Caspicum & Oceanum incolentes.

Vesica pisces natatoria (vel gluten illius coctione extractum & dein condensatum) inversa, convoluta, in spiras coacta & siccata. Alba sit atque tenax, odoris expers, & in aqua & spiritu vini solubilis. Gluten huic fere simile, deterius tamen, ex aliis quoque Acipenseris Speciebus, ut Husone, rutheno, nec non ex Siluro Glanide obtinetur.

Ipecacuanha. Radix.

Psychotria emetica Linn. Sp. Pl. ed. Willd. I. 968.
Planta pereunis, in Mexico frequens.

Radix subcylindrica, flexuosa, digitali, & quod excurrit, longitudine, crassitie pennae anserinæ, annulis torulosis inæqualibus cincta. Ex substantia constat exteriori, mellei vel grisei coloris, fragili, amaro-acri & nauseosa, epidermide tecta, cinerea vel nigrante: atque ex parte intima, centrali, lignea, tenaciori, subflavescente & insipida. Hisce characteribus a cuiusvis Violæ Speciei radibus, nec non ab Apocyni, fibra instructis centrali e fusco rubescente, facile dignoscitur.

Iris florentina. Radix.

Iris florentina Linn. Sp. Pl. ed. Willd. I. 226.

Planta Europæ australis, in Svecia rarius culta, perennis.

Radix multififormis; nodosa, pollicis vel ultra crassitie; cortice resecto siccata, ut in officinis prostata, alba, ponderosa, & punctis fuseis notata. Odor Violæ odoratae floribus fere similis, sapor americanus, dein subacris.



Juglans. Fructus immaturus.

Juglans regia. Linn. Sp. Pl. ed. II. p. 1415.

*Arbor in Europa septentrionali rario, in meridionali autem
& Persia frequentior.*

Fructus vel potius Putamen drupæ recentis immatu-
ræ sapore acido-styptico præditum.

Juniperus. Baccæ. Lignum.

Juniperus communis. Linn. Sp. Pl. ed. II. pag. 1470.

Frutex Svecica.

Fructus seu Baccæ maturæ, globosæ, coeruleo-ni-
gricantes, odore fragrante, sapore subdulci, subacri & re-
fino. Tota prima æstate virides sunt, nec nisi biennii
spatio maturescunt.

Lignum, tam radicis quam trunci & ramorum, a cor-
tice liberatum, compactum, ex albo flavescentis aut rutin-
ans, odore & sapore juniperino proprio præditum.

Kinkina I. China officinalis. Cortex.

Cinchona officinalis. Linn. Sp. Pl. ed. Willd. I. 957.

*Arbor ad Loxam Peruviae crescens, nuper etiam in Terra
Firma detecta.*

Cortex in frustulis digitalibus, lineæ circiter crassi-
tiei, in formam tubolorum fere convolutus, subfragilis,
extus rugosus, e fusco cinerascens, intus coloris ex pal-
lido rutili, odore submucido, non tamen ingrato, sapore
amaro-balsamico atque subadstringente. Sit ponderosus,
durus, & diffractus ad solem splendeat particulis resino-
sis. Cortex, qui ab exteris jam in pulverem redactus ad
nos venit, rejiciatur.

Kinkina flava I. regia. Cortex.

Cina:

Cinchona rubicunda. ? Ruiz & Pavon. Conf. Schrad Jour.
In Santa Fie crescens. § für die Botanik 1801. p. 85.

Cortex præcedente crassior & magis fibrosus, in frustis majoribus, subplanis, coloris flavescens vel cinnamomei: in superficie externa punctis conspicuus numerosis ad solem micantibus. Sapore amaro & balsamico ceteros Cinchonæ cortices longe superat.

Kinkina rubra. *Cortex.*
Cinchonæ Species nondum definita.

Cortex in frustulis magis convolutis, duarum circiter linearum crassis. Constat ex strato externo tenui, ex fusco rubescente, lichenibus innatis saepe cinerascente: ex medio crassiori, rubrofusco, fragili & resinoso, atque ex parte intima ferruginea, lignea & fibrosa. Sapore adstringente omnibus suis affinibus antecellit. Quo magis ponderosus, densus & resinosus, eo melior aestimatur.

Kino I. Gambiense Gummi.

Arbor Africæ ad fluvium Gambia crescens, obscura.

Masam constituens opacam, valde friabilem, ex rubro nigricantem, & in fractura splendentem, sapore præditam intense adstringente, dein subdulci, odore autem nullo. Igni admotum nec flammata flagrat, neque liquefit. In aqua fere omne solvitur. Ab Alkohole minor ipsius pars, colorans nempe & adstringens, extrahitur. Cum Sanguine Draconis, in Spiritu Vini perfecte solubili, perperam confundi potest.

Lacca in ramulis.

Coccus Ficus. Linn. Syst. Nat. ed. Gmel. I. 2218.

Insectum Hemipterum Indiae orientalis in Fico habitans.

Suc-

[decorative separator]

Succus ex ramis minutioribus arboris Fici religiosa & Indicæ super Larvas Coccii Fici exsudans, & in massam resinosa, rubro coccineam, ex cellulis compositam & fragilem indurescens, quæ una cum ramis nobis interdum adserri solet. Prunis injecta suavem spargit odorem. In aqua sese solvi non patiens, coctione tamen illam tingit intense coccineam. In Spiritu vini, in primis post præviam cum Carbonate Kali triturationem, nec non in Acidis dulcificatis optime solubilis, Gummi-resinis adnumeratur.

Lacmus.

Massa violaceo-cœrulea, sicca, levis, inodora, ex Lichene Roccella vel Parelo, aut Crotone tinctorio, fermentatione, adjectis urina, Calcaria pura vel Kali, parata. In aqua vel Spiritu Vini solutus, solutionem colore intense cœruleo, a quocumque Acido adjecto rubescente, induit. Ab Alkalinis vero, aliorum instar pigmentorum vegetabilium, cœruleo nativo præditorum colore, in viridem non demutatur.

Lapis suillus.

Lapis ex crystallis plerumque distinctis, spatosam referentibus figuram, constructus, fragilis, colore fuscenscente aut lutescente præditus. Ex Carbonate Calcis, Hydrogenio Sulphurato inbuto, constat. Huius copulae odor, quo tritus foetet, hircinus est tribuendus. Igne injectus aliorum instar lapidum Spatosorum crepitat, & postea in Calcariam exuritur purissimam. Variis in Patriæ provinciis, in primis in Westro-Gothia, occurrit.

Lavendula. Flores.

Lavandula Spica. Linn. Sp. Pl. ed. Willd. III. 60.

In Sveciae hortis culta, suffruticosa.

Corollulæ cylindricæ coeruleæ, odore præditæ aromatico gratissimo.

Laurocerasus. *Folia.*

Prunus Lauro-Cerasus. Linn. Sp. Pl. ed. Willd. II. 988.

Arbor in Europa meridionali frequens.

Folia alterna, sempervirentia, ovali-oblonga, utrinque glabra, ferrato-dentata, in superficie inferiori ad costam intermedium glandulis plerumque quattuor, primum coccineis, dein concoloribus, subplanis, instructa. Odoris fere expertia sapore gaudent ab Amygdalarum amararum vix discedente.

Laurus. *Baccæ. Oleum unguinatum.*

Laurus nobilis. Linn. Sp. Pl. ed. Willd. II. 479.

Arbor Europæ meridionalis.

Baccæ vel fructus ovales, ex fusco nigricantes, ð-leosi, odoris aromatici fragrantis.

Oleum, e Baccis recentibus maturis aut expressione aut coctione in aqua obtentum, ex Italia & Hispania ad nos venit. Oleis pinguibus aliis immixtis haud raro adulteratum deprehenditur. Sit vero genuinum rancedinis expers, spisitudinis butyraceæ, coloris viridis, & odore aromatico laurino proprio præditum.


Ledum palustre l. *Rosmarinus sylvestris.*

Herba.

Ledum palustre. Linn. Sp. Pl. ed. Willd. II. 602.

Frutex Svecica in locis paludosis occurrens.

Folia linearia, pollicaria, margine utrinque revoluta, supra saturate viridia, glabra, subtus tomento fulvo-ferrugineo obducta, sapore amaricante subaromatico, odore graveolente subnarcotico.



Lichen l. Muscus Islandicus.

Lichen Islandicus. Linn. Acharii Lichen. prodr. p. 170.
Svecicus, terrestris, in Campis, Montibus & Saxonis aridis
crescens.

Lichen foliaceus, membranaceus. multifidus, lacinia-
tus, glaber, vix lacunosus, in pagina superiori ex casta-
neo canescens, in inferiori pallidior, margine undique se-
ticulis nigris ciliatus. Sapor amaricans, leniter acris &
mucilaginosus.

Linum. Semina.

Linum usitatissimum. Linn. Sp. Pl. ed. Willd. I. 1534.
In Svecia cultum, annum.

Semina ovato-oblonga, compressa. Iævia, nitida,
~~ex~~ *fusco olivacea, mucilaginosa & oleosa.*

Lithargyrum.

Oxydum Plumbi semivitrificatum, squamularum instar
 micantium & lateritii coloris, post purificationem Auri
 & Argenti, mediante plumbo, in cupellis residuum. Si
 in Acido acetico non omne solvatur, nec tubi ferruminata-
 torii ope totum vitrescat, adulteratio ipsius cum particu-
 lis terrestribus, plerumque Siliceis, suspicanda est.

Lupinus. Strobili.

Humulus Lupulus. Linn. Sp. Pl. ed. II. 1457.
In Svecia cultus, perennis.

Strobili seu amenta subglobosa, laxe imbricata squa-
mis ovatis, subacutis, membranaceis, stramineo colore
praeditis. Odor graveolens subnarcoticus, sapor peramarus.

Lyco-

OBSERVATIONES.

Guajaci lignum in Lue venerea, licet Specifi aduersus hunc morbum non mereatur nomen, tamen ut adjuvans Diaphoreticum, juxta usum Hydrargyri, levamen interdum conciliare queat. In aliis quoque morbis cutaneis, nec non in Arthritide & Rheumatismo chronicō usurpatum, sudorem elicit, vel faltem cutem perspirationi opportunam reddit. In Plethora vero & Asthma- te nocet. Decoctum, cum regimine calido propinatum, usui optime inservit.

Cortex, quum ligno jam memorato virtute non antecellere videatur, et si majoris venditur pretii, numerum medicamentorum absqne ratione non augeat.

Resina, pro diversa dosi porrecta, aut sudorem promovet aut alvum solvit. In iisdein morbis, atque lignum, quod tamen efficacitate longe superat, commendanda est. Nocet autem ventriculo protractior usus. Forma pilulari cum sulphure aurato antimonii, hydrargyro dulci, vel extracto conii, aut asfa foetida mixta, nec non Emulsionis, mucilaginosorum ope paratae, aut Pulveris cum cremore tartari, vel Tincturae spirituoso-ammoniatae, pro re nata adhibetur. Tinctura cum Spiritu sacchari (Taffia) parata, olim frequentius in usu fuit.

Gummi arabicum I. Mimosae mucilagine sua, qua totum constat, ad acria, sic dicta, irritantia, quae vel in tubo intestinali vel alibi subnata reperiantur, involvenda, mucumque naturalem deficientem resarcien-

H 2 dum,

= = = = =

dum, valide confert. Hinc in Raucedine, Tusſi catar-
rhali titillatoria, Phthisi, Hæmoptysi, doloribus renum &
vesicæ, a Calculi aut acris eujusdam irritatione oriundis,
non tam per ſe, quam potius aliis remediiſ idoneiſ, aci-
diſ & ſpirituofis exceptiſ, junctum adhiberi ſolet. In
Diarrhoea, Dyfenteria & Tenesmo, Clysmatis forma e-
gregie prodeſt. Ceterum, Resinas, Gummi resinas & O-
lea pingvia ejus ope cum aqua miſceri, indeque Emulſio-
nes parari poſſe, notiſimū eſt.

Hederæ terreſtris herba, cui pauxillum o-
lei ætherei ineſt, in Exulcerationibus internis olim im-
merito laudata, aliis remediiſ efficacioribus ex Verticit-
tatarum ordine juſte poſponitur, ideoque eliminetur.

Hellebori albi radix, ob vim vehementer
draſticam & fere venenatam, quam etiam externe adhibi-
ta exercet, ex Praxi medica eo magis exſulere debet,
quo plura exſtant remedia, Morbis cutaneis, Maniæ, cet-
tutius opponenda.

Hellebori nigri radix ſiccata virtutibus gau-
det modice purgantibus atque pellentibus, præcipue ve-
ro Emmenagogis. Tinctora igitur (Tinct. Melampodii Ph.
Ed.) & Extractum, quibus potiſſimum utimur, in A-
menorrhœa Obſtructionis frequenter juvant. Vis iſpſius
in fibris radicis maxima reſidet & principio aeri volatili
cum parte mucilaginis & resinae eſt tribuenda.


Hippocastani cortex, adstringens & amarus,
in Pharmacopœa noſtra, qui locum obtineret, ideo dig-
nus iudicatus eſt, quia indigenus jam in locum Kinkinæ
adversus Febres Intermittentes, teste Cel. BUCKHOLTZ &
aliis, interdum cum ſuccesu ſubstituitur. Extracti for-
mam

mam optimam dicunt. An vero aliis, quae habemus, Succedaneis Kinkinæ, ut Cort. Salicis, Fraxini, cet., præferendus sit, ulterior docebit experientia.

Hirudines vivæ. Ne in officinis umquam desiderentur, apprime necesarium est. In Congestionibus sanguinis ad loca tam interiora quam exteriora, & Inflammatione inde orta partiali, ut in Ophthalmia, Cynanche, cet, loco affecto, vel huic proximō, admotæ, egregie auxilio sunt. In Hæmorrhoidibus quoque suppressis, cœcis aut deviis, Ainoenorrhœa & Dysmenorrhœa, ano vel inguinibus vel circum genitalia applicatæ, fluxum non modo restituunt aut compensant, sed & morbis, ab ista retentione oriundis, præ aliis sanguinem mittendi methodis, optime subveniunt. Digitis linteo obvolutisprehensæ, cuti, antea bene mundatae, adplicantur una vel plures; singulæ unciam circiter sanguinis exsugunt. Si ad mordendum segniores reperiuntur, permittendum est, ut super mensa aliquantulum liberæ repant, quo voraciores evadant. Cruore satiatæ sponte decidunt, si minus, insperso sale, quod etiam in interiora corporis forte delapsas certissime necat.

Hordei semina ob farinosum & mucilaginosum, quibus abundant, inter nutrientia locum tenent eminentem. Decocta illorum, addito oxymelle, in Febris inflammatoriis pectoris interdum pro potu conducunt. Maltum, quod ex his fermentatione paratur, forma Infusi in Scorbuto, tam interne, quam externe ut formentum in Ulceribus, quæ huic morbo non raro superveniunt, utilissimum visum est.

Hydrargyrum, præparatis, quorum plurima, usui interno destinata, in officinis prostant, conficiendis in-



serviturum, semper adsit purissimum. Ab omni, cujus-
cunque sit nominis, labe, instituta destillatione, Hydrar-
gyrum, per se tamen aegrius, tutius vero decima circi-
ter sui ponderis parte Cinnabaris adjecta, optime pur-
gari potest.

Hyoscyami folia, ad ordinem Narcoticorum
pertinentia, in Mania, Epilepsia & Melancholia, caute-
usurpata, interdum profusse dicuntur. Usus diuturnus
nauseam & vertiginem ciet. Extracto potissimum uti-
mur. Herba recens contusa, Cataplasmatis forma, in do-
loribus Rheumaticis, Tumoribus frigidis & Scirrhis mam-
marum, saepe cum fructu superimponitur. Antidotum
optimum est acetum, larga dosi propinatum.

Hysopi herba oleo æthereo gaudet. In Tus-
si catarrhali & Asthmate pituitoso, Infusi forma aut Sy-
rupi, adposite adhibetur. Grato sapore inter medicamenta,
quæ ex Verticillatarum classe desumuntur, eminet.

Jalappæ radix, resinam ad sextam usque sui
ponderis partem tenens, draisticis vel saltem catharticis
adnumeratur. In variis igitur morbis, ubi necessaria ju-
dicetur fortiorum laxantium opera, in primis vero in Hy-
drope & contra Vermes, usurpari potest. Datur forma
Pulveris, vel per se, vel Hydrargyro dulci juncta.

Ichthyocollam, quæ ex mera gelatina anima-
li constat, valenter admodum Fébres Intermittentes cu-
rare novissime detexit Cel. SEGUN; quod aliorum quo-
que experientia probavit. An vero vi sua quam ma-
xime nutritive, adeoque corroborante, quod quidem
verosimillimum videtur, vel alio quodam modo, ventriculi
in primis statum mutando, in hoc morbo, quo vix perti-
na-

naciōr ullus, tantam & tam inopinatam exferat efficaciam, nondum satis liquet. Attamen ab usu ejus, debita accura-
tione repetito, multum sibi emolumenti, Medicina pollicē-
ri posse credimus. Eadem quoque usui, præter ichthy-
collam, inservit quæcunque alia vilioris pretii gelatina
animalis, quæ, antea in aqua coctione soluta, rite clarifi-
cata, atque saccharo remixta, sufficiente, sed pro diver-
sa aetate, varia dosi, sub apyrexia sumi, &, devicta fe-
bre, ne recrudescat, per aliquot dies continuari debet.
Clysmatibus etiam in Diarrhoea & Dysenteria, ut invol-
vens, nonnumquam addi solet. Præterea ad liquores
turbidos clarificandos & conficiendam telam, sic dictam,
vulnerarium anglicam, qua vulnera leviora cutis vulgo
teguntur, frequentius usurpatur.

Imperatoriæ radix, quam supervacaneam red-
dit Angelicæ multo efficacior, merito est eliminanda.

Ipecacuanhæ radix inter præstantissima at-
que tutissima emetica jure ponitur. Dosi plena modi-
ce & sine damno vomitum excitat, quamobrem usus
ejus in compluribus morbis, ubi per emesin ventriculum
evacuandi rationes adsint, proficuus reperitur. Dosi re-
fracta virtutes habet antispasmodicas, ideoque in Asth-
mate convulsivo aliisque morbis spasmodicis utilis. Ex
illius cum opio mixtu a præstantissimum obtinetur sudoriferum, in Hydrope, Dysenteria & Rheumatismo chrono-
co, præcipue comuendandum. In Hæmorrhagia Uteri, par-
va, sed frequentius repetita dosi, adhibita, saepe auxilio
fuit. Pulvis & Vinum, numquam vero Decoctum, præ-
scribuntur. Virtus ipsius, quæ in substantia corticali
præcipue posita est, a principio acri subvolatili, cum par-
te resinosi aut extractivi, pendet.

Iridis florentinæ radix siccatione principium suum acre volatile, superstite materia amylacea, ex parte amittit. Pluribus tamēn remediis, in primis expectorantibus, nec non Digitali, addita, non modo saporem emendat, verum etiam vires illorum interdum augere videtur. Variis quoque substantiis, odoris gratia, immisceri solet.

Juglandis fructus immaturus. Ex succo expresso paratur extractum, quod, ob saporem minus ingratum, infantibus aptum præbet Anthelminticum. Neque Decoctum putaminis in Aphthis & exulcerationibus oris parum proficit. Materiam tenet adstringentem & amaram.

Juniperi baccæ, præter saccharinam, materia quoque resinosa cum oleo æthereo præditæ sunt. In Hydrope infusum, pro diverso reginine, aut sudorem mouet aut urinam pellit. Spiritus destillatus, aqua dilutus & saccharo mixtus, interdum pro potu in eodem morbo præscribitur.

Lignum, materia saccharina excepta, nullo fere Baccharum principio destitutum est; nec differunt virtus & usus.

Kinkinæ Cortices inter Tonica principem summo jure sibi vindicant locum. Ab hac virtute sola, aliæ quoque, quotquot ipsis tribuuntur, Antifebrilem, loquor, Stomachalem, Adstringentem, Antisepticam, suppurationem promoventem, rel., ortum duxisse videntur. Principiis Kinkinæ adnumerantur, Amaruim, Adstringens cum parte mucilaginis, Resinosum & ab Oleo æthereo vel potius Extractivo pendens Aroma. Sunt quidem hæcce principia singulis Corticis speciebus commu-

munia, & in diversis, ratione tantum quantitatis &
 mixturæ, varia: *Flavus* scilicet principio amaro & aro-
 matico inter ceteros valde eminet: *Ruber* resinoso &
 adstringente; *Officinalis* autem horum pauperrimus est.
 Plures licet earundem partium apud alia quoque me-
 dicamenta ex regno vegetabili, quæ ad Tonicorum
 classem referuntur, inveniamus, in cortice tamen Kin-
 kinæ ita dispositæ atque amice junctæ deprehendun-
 tur, ut vix sperandum, umquam fore, ut detegatur
 Succedaneum, simplex vel compositum, virtute ipsi
 æmulum. Forsan etiam claudicat Analysis, quod quidem
 semper fit, dum de materiis organicis agitur. Neque sane
 pauci sunt morbi, quibus recte opponitur, quum multi-
 ples dudum stabiliverit experientia, vix dari ullum, cui,
 modo justo tempore, idoneo cum regimine, & debita do-
 si atque forma exhibitus fuerit, tutam non præstiterit
 medelam. Ab illo jam tempore, quo primum innotuit,
 ad nostrum usque, unicum fere, saltem certissimum me-
 dicamentum ad Febres intermittentes recte æstimatur.
 His tutissime opponitur, si tempore intercalari, dum ci-
 bi appetitus redire incepit, tanta datur copia, ut prox-
 imæ avertatur accessio. In aliis quoque Febribus, Re-
 mittentibus nempe & Continuis, sic dictis, putridis, Ner-
 vosis, Exanthematicis, ubi sub earum progressu vires
 corporis fractæ inveniuntur, Corticis usus optimum sub-
 ministrat auxilium. Nec in Dysenteria & Hæmorrhagia
 passiva parum proficit. Phthisi tam ulcerofæ, quam pi-
 tuitofæ, simulac inflammationi subventum sit, sœpe po-
 tener obstat. In Morbis chronicis, a mobilitate nimia
 vel debilitate solidorum generali proficiscientibus, ut Lev-
 corrœa, Hysteria, Tussi convulsiva, Pollutionibus no-
 cturnis, pluribusque aliis, optimè succedit curatio, si an-
 te Corticis usum digestivorum ope viæ primæ tempesti-
 ve fuerint purgatæ. Nocet vero, sub æstu febrili, in o-



mnibus Morbis inflammatoriis & Rheumatismo acuto; nec inter initia febrium in genere Kinkinæ usus convenit. Pulveris forma omnium efficacissima est, quæ itaque semper adhibenda, quotiescumque indoles morbi & gradus, aut symptomata tollenda, in primis vero ad concoquendum præsentior ventriculi status id fieri permittant. Pulvis igitur vel per se ex aqua, lacte, vino aut syrupo sacchari sumendus, vel cum quodam aromate, acido sulphurico tenui, aut, si ægre illum fert ventriculus, cum opio miscendus. Infusum quoque aquosum, curatius paratum, ut vi Corticis, quantum fieri potest, tota imbuatur, delicatioribus & infantibus idoneum est, & in primis ubi pulverem recusat infirmior stomachus. Decocto minus fidendum est, nam exigua admodum virtutis pars coctione extrahitur. Extracto quoque, ejus pars una tribus pulveris respondere existimatur, & infuso vinoso interdum utuntur Medici. Clysmatis forma in Febribus putridis, Nervosis, & Intermittentibus infantum, dum usum internum ægre admittunt, non perperam tentatur. In Cynanche gangrænosa fauces, infuso injecta, utiliter lavantur. Pro Ulceribus, Cancro & imminentे Gangræna, Epithemata & Fomentationes ingreditur. Cum opio vel camphora juncta Gangrænam sicciam egregie fistit. Officinalem, licet ceteris efficacitate inferior sit, & administratione Corticum, illum simulantium, nonnumquam adulteratus inveniatur, tamen excludere noluimus, quum minoris vendatur pretii, nec omnino rejiciendus sit. Infusum genuini, etiamnum calidum, sit limpidum & rubicundum, refrigeratum vero turbidum & flavum.

Kino l. Gambiense est inter purissima, quæ novimus, Adstringentia. In Pharmacopeam nostram introducendum censemus, quum ad usum internum aptius sit, quam cetera ejusdem indolis simplicia e regno vegetabili de promta, quæ habet Materia pharma-

maceutica. In Diarrhoea chronica, Metrorrhagia, in primis parturientium, Incontinentia urinæ & Fluore albo, nec non in Febris intermitentibus, aliis remedii junctum, cum successu usurpatum fuit. Externe adplicatum, ubi fieri potuit, in iisdem quoque morbis salutare inventum est. Pulveris & Tincturæ cum spiritu vini tenui paratæ potissimum utimur forma. Major portio tñ Tannin cum minori Acidi gallici & exigua resinæ, principia sunt, quibus vis ipsius adstringens est tribuenda.

Lacca in ramulis in officinis servanda videatur ob Tincturam, quæ ex illa paratur & in quibusdam Gingivarum morbis non utilis est. Lacca vero in tabulis & granis, materia colorante, cui virtus præcipue inhæret, carens & ex mera resina constans, expungenda est.

Lacmus egregium præbet Reagens, quo Acidorum in fluidis præsentiam optime detegitur. Color enim cœruleus Tincturæ ejus multa aqua dilutæ, vel charta illo Tincta in rubrum cito mutatur, qui tamen sensim iterum evanescit, si ope Acidi Carbonici id factum est. Li- quores illo fraudulenter coloratos esse, docet additamen- tum Alkali cujusdam.

Lapis suillus a Recentioribus quibusdam in Calculo renali magnis laudibus extollitur. An vero aliam vel majorem adversus hunc morbum, quam Carbonas Kali aut Sodæ vel Calcariæ puræ vim possideat, non liquet, nisi quod Bitumini, sic dicto, vel potius Hydrogenio sulphurato, quo inquinatum est, tribuendum sit. De cetero illum e Pharmacopœa dimittere vetuerunt & fides, quam apud Vulgus habet, & facilitas negotii, quo in Calcariam puram convertitur.



Lavendulæ flores tam ob odorem gratissimum, quam vijn stimulantem Speciebus resolventibus vulgo admiscentur. Fragrantiam debent oleo æthereo inhærenti, quod in officinis quoque prostat, & destillatione obtinetur.

Laurocerasi folia, veneno præsentissimo infamia, principium tenent Narcoticum, oleo æthereo intime nexum, quod non nisi intensiori calore, qualem aquæ destillatio requirit, vix vero exsiccatione sola, evolvitur. Nihilominus Aqua destillata in Mania & Melancholia, in primis ubi Viscerum obstrunctiones simul adfunt, caute atque suspensa manu exhibita, insignem saep, ut fertur, adtulit utilitatem.

Lauri baccarum usus internus jam diu exolevit, externus perstat. & in Phthiriasi & Scabie ungventis, atque in Colica flatulenta clysmatibus fatis congruerter adduntur.

Oleum ungvinosum ætherei portiuncula infectum est. Tumoribus frigidis, Articulis luxatis, & in Colica flatulenta abdomini inungitur, rarius vero clysmatibus immissetur, auribusque in Surdidate & Otaquia immittitur.

Folia culinæ relinquuntur, nec Pharmacopolis amplius sint oneri.

Ledi palustris l. Rorismarini sylvestris herba non tantum in variis morbis Cutaneis, in primis Venereæ indolis, verum etiam in Tusci convulsiva & Dysenteria laudatur. Forma utitur Infusi, quod externe quoque, & quidem addito Hydrargyro sublimato, ad Lotiones & Balnea in Scabie, aliisque Cutis morbis proficuum

cuum habetur. Ex principio narcoticō cum amaro & exigua parte adstringentis constat.

Levisticī semina radix Angelicæ supervacanea reddit.

Lichen l. Muscus Islandicus multam mucilaginem tenet. Ob vim nutrientem in omni tābe, ex gr., quæ Phthisin, Tussim ferinam, Hæmoptysin, Diarrhoeam chronicam & Pollutiones nocturnas comitatur vel insequitur, salutaris reperitur. Decoctum aquosum, cui colato pauxillum lactis & sacchari admiscetur, ventriculo apprime placet. Verum ante coctionem principium acre & amarum maceratione vel ebullitione in aqua extrahendum est.

Lini femina mucilagine & oleo æthereo scatent. Decoctum intus perbene obvolvit. Clysmata & Cataplasmata emollientia ex farina illorum frequentissime componuntur.

Lithargyrium eum tantum in finem servatur, ut Emplastra, Unguenta & Acetum saturninum, cet, inde confici possint.

Lupuli strobili, præter amarum, narcoticum quoque tenentes, roborant atque inebriant. Speciebus resolventibus & Epithematibus recte adduntur. Decoctum, decrescente luna, sumtum vermes efficaciter pellit.

Lyco-

CC-